

「國家社會科學基金重大項目」

何建明

主編

中國地方志

佛道教文獻匯纂

人物卷

(19)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（19）



國家圖書館出版社

中國地方志佛道教文獻匯纂·人物卷

江蘇省 南京市

金陵古迹編

宋·石邁撰

據劉緯毅等輯《宋遼金元方志輯佚》排印

金陵古迹編（宋）石邁撰

書名又作《石邁古迹編》。石邁，生平不詳，僅《至正金陵新志》卷一三上《人物志·世譜》載：宋遊宦，石邁。《至正金陵新志》卷首《新舊志引用古今書目》：『《金陵古迹編》，宋石邁。』

（東澗）梁處士劉許彥度隱居之所，許允精釋典。嘗聽講鍾山諸寺，因卜築宋熙寺東澗，有終焉之志。（《景定建康志》卷一八《山川志·溪澗》）

中國地方志佛道教文獻匯纂·人物卷
江蘇省 南京市

金陵新志

元·張鉉纂修
元至正間修

清乾隆間《四庫全書》本

欽定四庫全書

至大金陵新志卷十三下之下

元 張鉉 撰

人物志

列傳

仙釋

三茅君兄弟三人長諱盈字叔申咸陽南關人高祖諱濛字初成一字本初深識玄遠知周衰不仕諸侯乃師

北郭北阿鬼谷先生長往華山道成以秦始皇三十年
九月庚子乘龍白日昇天時邑童謠曰神仙得者茅初
成駕龍上昇入太清時下玄洲戲赤城繼世而往在我
盈帝若學之臘嘉平始皇聞之詢諸父老具對曰此仙
人之謠勸帝求長生之術於是始皇忻然有尋仙之志
因改臘曰嘉平盈第固字季偉衷字思和皆生漢景帝
中元間盈天漢四年道成至元帝初元五年來江左向
曲之山哀帝元壽二年乘雲而去是為大司命君固至

孝元時拜執金吾卿衷宣帝地節四年拜上郡太守五
更大夫並解任從兄脩學俱得為仙固為定錄真君衷
為保命仙君詳見茅山志

葛仙公名玄字孝先本姓諸葛遠祖征江漢次丹陽之
句容因止而嘆曰獨身在此何諸之有遂單姓葛玄有
仙術嘗從吳主至溧洲還遇大風百官船皆敗沒玄船
亦沈吳主使人求玄久見玄出水上衣履不濕而有酒
色既而言曰從子胥飲酒耳玄性好酒嘗飲醉卧門前

陂水中竟日醒乃止帝重之為於方山立洞玄觀後傳
白日舉今方山猶有玄煮藥鐺及藥臼在

葛洪字稚川丹陽句容人祖系吳大鴻臚父悌仕晉為
邵陵太守洪少好學家貧躬自伐薪以貨紙墨夜輒寫
書誦習遂以儒學知名為人木訥不好榮利閉門却掃
未嘗交游於餘杭見何幼道郭文舉目擊而已各無所
言時或尋書問義不遠數千里崎嶇冒涉期於必得遂
究覽典籍尤好神仙導養之法從祖玄吳時學道得仙

號葛仙公以其煉丹祕術授弟子鄭隱洪就隱學悉得其法後又師事南海太守上黨鮑玄玄亦內學逆占將來見洪深重之以女妻洪洪傳玄業兼綜練醫術凡所著撰皆精數是非而文章富瞻太安中石冰作亂吳興太守顧祕為義軍都督與周玘等起兵討之檄洪為將兵都尉攻冰別率破之遷伏波將軍冰平洪不論功賞徑至洛陽欲搜求異書以廣其學見天下已亂欲避地南土乃叅廣州刺史嵇含軍事及含遇害遂停南土征

鎮檄命一無所就後還鄉里元帝為丞相辟為掾以平賊功賜爵關內侯咸和初司徒導召補州主簿轉司徒掾遷諮議叅軍千寶薦洪才堪國史選為散騎常侍領大著作洪固辭不就聞交趾出丹求為幻漏令帝以洪資高不許洪曰非欲為榮以有丹耳帝從之遂將子姪俱行至廣州刺史鄧徽留不聽去洪乃止羅浮山鍊丹獻表補東莞太守辭不就乃以洪兄子望為記室叅軍在山積年優游閒養著書凡內外一百一十六篇自號

抱朴子因以名書其餘所著碑誄詩賦百卷移檄章表三十卷神仙良吏隱逸集異等傳各十卷又抄五經史漢百家之言方伎雜事三百一十卷金匱藥方一百卷肘後要急方四卷後忽與獄疏云當遠行尋師剋期便發獄得疏狼狽往別而洪坐至日中兀然若睡而卒獄至遂不及見時年八十一視其顏色如生體亦柔軟舉尸入棺甚輕如空衣世以為尸解得仙云

許邁字叔玄一名映丹陽句容人家世士族而邁少恬

靜不慕仕進未弱冠嘗造郭璞璞為之筮遇泰上六爻
發璞謂曰君元吉自天宜學道時南海太守鮑靚隱跡
潛遁人莫之知邁乃往候之探其至要父母尚存未忍
違親謂餘杭懸雷山近延陵之茅山是洞庭西門潛遁
五嶽陳安世茅季偉常所游處於是立精舍於懸雷而
往來茅嶺之洞室放絕世務以尋仙館朔望時節還家
定省而已父母既終乃遣婦孫氏還家携其同志偕游
名山永和二年移入臨安西山登巖茹芝眇爾自得

終焉之志改名玄宇遠遊與婦書告別又著詩十二首
論神仙事王羲之造之未嘗不彌日忘歸相與為世外
交自後莫測所終寶錄始簡文為會稽王時有三子俱
天及道生廢後獻王早世諸姬絕孕
十年無子今卜者扈謙筮之曰後房有一女當育二貴
男其一終盛晉室時徐貴人有寵無子帝從容問邁曰
臣好山水本無道術斯事豈所能判願陛下從扈謙之
言以存廣接之道帝然之數年令善相者遍召諸愛妾
示之皆云非其人時李后在織坊中形長黑色宮人皆
謂之毘崙既至相者驚曰此其人也因召侍寢后常夢
兩龍枕膝日月入懷生烈宗及會稽文孝王紫陳江總
寺碑言攝山南瞻舊落顧悌鎮戍之塢北望荒村扈謙
卜筮之宅則謙
乃攝山人也

陶弘景字通明丹陽秣陵人祖隆王府參軍父貞孝昌
令弘景以宋孝建三年丙申歲夏至日生幼有異操年
四五歲常以荻為筆畫灰中學書至十歲得葛洪神仙
傳晝夜研尋便有養生之志謂人曰仰青雲覩白日不
覺為遠矣父為妾所害弘景終身不娶及長身長七尺
七寸神儀明秀讀書萬餘卷一事不知以為深耻善琴
碁工草隸未弱冠齊高帝引為諸王侍讀除奉朝請雖
在朱門閑影不交外物唯以披閱為務朝儀故事多所

取焉家貧求宰縣不遂永明十年脫朝服挂神武門上
表辭祿詔許之賜以束帛敕所在月給茯苓五斤白蜜三
斤以供服餌及發公卿祖之征虜亭供帳甚盛車馬填
咽咸云宋齊以來未有斯事於是止於句容之句曲山
立館自號華陽陶隱居沈約為東陽郡守高其志節累
書要之不至永元初更築三層樓弘景處上第子居中
賓客僅至其下與物遂絕唯一家僅得至其所本便
馬善射晚時不為唯聽吹笙而已特愛松風庭院皆植

松每聞其響欣然為樂有時獨游泉石望見者以為仙
人性尚奇異顧惜光景老而彌篤尤明陰陽五行風角
星算山川地理方圓產物醫術本草帝代年歷以算推
知按本傳弘景算漢熹平三年丁丑冬至加時在日中
而天實以乙亥冬至加時在夜半凡差三十八刻是
漢歷後天二日十二刻也又以歷代皆取其先妣母后
配饗地祇以為神理宜然碩學通儒咸所不悟深慕張
良為人云古賢無比齊末為眾口水丑末為梁嘗造渾
字及梁武兵至新林造弟子藏拙之假道奉表嘗造渾
天象高三尺許地居中央天轉而地不動以機動之悉
與天相會云脩道所須非止史官用之齊末議禪代弘